

總 則

第一章 總 則

禱
雨
雜
紀

錢
琦
錄

中
華
書
局

此據百陵學山本
影印初編各叢書
僅有此本

禱雨雜紀

嘉靖乙巳秋邑大旱余目覩民困傷之甚禱雨數
跡一編備所司省覽夫天變數也盡太史公曰天弭變理也可盡諉之數乎海鹽錢琦識

湯自伐桀大旱七年洛圻川竭煎沙爛石太史占曰
當以人禱湯曰吾所爲請雨者人也若必以人禱吾
請自當遂齋戒剪髮斷爪素車白馬身嬰白茅以已
爲犧牲禱於桑林之野持三尺鼎祝山川曰無以余
一人之不敏使上帝鬼神傷民之命以六事自責曰
政不節與民失職與宮室崇興婦謁盛與苞苴行與

讒夫昌與何不雨之極也言未已大雨方數千里
魯僖公二十一年夏旱欲焚巫尪臧文仲曰非旱備
也脩城郭貶食省用務穡勸分有無相濟其務也
戴封遷西華令時大旱封禱請無獲乃積薪坐其上
以自焚火起而大雨暴至

周暢爲河南尹夏旱久禱無應因收葬洛城傍客死
骸骨萬餘應時澍雨歲乃豐稔

憲宗以久旱欲降德音李絳白居易言欲令實惠及
人無如減其租稅宮人數廣宜簡出之諸道橫歛以
充進奉南方多掠良人賣爲奴婢皆宜禁絕上悉從

之制下而雨

顏真卿遷監察御史使河隴時五原有冤獄久不決
天且旱真卿辨獄而雨郡人呼御史雨

涸灘歲越垠曠早塞諸陽遷市不雨祈山川度神又不雨
觴土龍舞巫覡愈不雨或言邦有術人能捕退龍而譟之
昔歲嘗然農利其澤及召術人至旱色如故太守怒亟命
擒之術人遁去其遺囊有書一幅目曰人旱旱有三曰天旱
國旱人旱曷爲天旱寒陽肆凶下土祗愼雖六七歲黎人不
饑曷爲國旱旱君道熾災德涸仁枯貪風暴氣蒸爲時癘曷
爲人旱邦燬其

政吏賊其行千里人心燥不爲陰夫天旱求諸仁仁
洽而時豐國旱求諸德德潤而澤流人旱求諸政政
清而俗阜今貨遊於上刑黷於下百姓焦愁結成恨
暑所謂人旱也邦守不清其政而逮籠貨雨是猶乘
攢適海豢羊墾翼於何可冀乎太守得書增怒是歲
自正月不雨至於五月明年殍死者數千人而太守
亦以財禍

宋熙寧中京師久旱按古法令坊巷以甕貯水挿柳
枝泛蜥蜴小兒呼曰蜥蜴蜥蜴興雲吐霧降雨滂沱
放汝歸去時蜥蜴不能盡得徃徃以蝎虎代之入水

卽死小兒更曰冤苦冤苦我是蝎虎似恁昏沉那得
其雨

鬱林郡山東南有池池有石牛歲旱百姓殺牛祈雨
以牛血和泥泥石牛背祠畢天雨洪注石牛背泥盡
雨卽止

唐玄宗命梵僧不空祈雨不空每祈雨無他執則但
設數繡座手簌旋數寸木神念呪擲之自立於座上
伺木神吻角牙出目瞋則雨至

王彥威鎮汴夏旱李杞過汴因宴王以旱爲言李醉
曰欲雨甚易爾可求蛇醫四頭石甕二枚每甕實以

水浮二蛇醫以木蓋密泥之置於開處甕前後設席焚香選小兒十歲以下者十餘令執小青竹晝夜更擊其甕不得少輟王如言試之一日兩夜雨大注牛僧孺鎮襄陽乂早有處士能養龍公請致雨處士曰江漢間無龍獨一湫泊中有黑龍難制強驅之必爲災公固命之果有大雨而漂流萬戶

李靖微時常射獵山中會暮抵宿一朱門有老婦延之夜半聞扣門甚急老婦謂請曰此非人世乃龍宮也今天符命行雨二子皆不在欲煩頃刻間遂命黃頭被青驄馬又命取雨器乃一小餅戒曰馬躩地嘶

鳴卽取餅中水一滴滴馬鬃上慎勿多也旣而覓掣雲間連下一十餘滴旣歸老婦曰一滴水乃地上三尺此夜平地水三丈

畫龍祈雨法擇潭洞或湫澤林木深邃之所以庚辛壬癸日刺史縣令帥耆老齋戒先以酒脯告社令訖築方壇三級高一尺濶一丈三尺壇外二十步介以白繩壇上植竹杖張畫龍其圖以縑素畫黑魚左顧環以天龜十星中爲白龍吐雲黑色下畫水波有龜亦左顧吐黑氣如綫和金銀朱丹飾龍形又設皂幡列鷺鷄取血致盤中楊枝洒水龍上雨足三日賽以

猴取畫龍投水中

西域方士能神呪者臨泉禹步吹氣龍卽浮出長十數丈更吹龍輒縮至數寸乃掇取置壺中或有四五龍以少水養之聞有旱處便齋龍往賣一龍直數十金發壺中出一龍著潭中復禹步吹之長十數丈須臾而雲雨四集

魏管輅過清河時天旱倪太守問雨期輅曰今夕當雨樹上已有少女風樹間又有陰鳥和鳴又少男風起衆鳥亂翔其應至矣倪不之信輅曰十六日壬子畢星中已有水氣又作檄召五星宣布星符刺下東

井告南箕使召雷公電父風伯雨師須臾風雲並興
玄雲四合大雨河傾

董奉居豫章時大旱縣令丁士彥請致雨奉曰貧道
屋皆見天雨至何堪令曰但致雨當爲架好屋明日
屋成暮大雨

狼山縣有一山獨立峻絕西北有石穴以燭行百步
許二大石其間相去一丈許俗名陰陽石陰石常潤
陽石常燥水旱爲災鞭陰石則雨鞭陽石則晴

魯般巧侔造化嘗怨吳人殺其父於肅州城南作一
木仙人舉手指吳地吳地大旱三年卜曰般所爲也

齋物謝之般爲斷其一手其月吳中大雨

神異經云南方有人長二三尺袒身而目在頂上行走如風名曰魍所見之國大旱赤地千里一名格遇者得之投溷中乃死旱災消也

有僧講經山寺常有一叟來聽問其姓氏曰某乃山下潭中龍也幸歲旱得聞來此聽法僧曰公能救旱乎曰上帝封江湖有水不得輒用僧曰此硯中水可用乎乃就硯吸水徑去是夕雷雨大作逮曉視之雨悉黑水

湘東新平縣有一穴中有黑土歲旱人則共壅水於

此穴穴淹則立大雨

黃子發雨書曰四方北斗中無雲惟天河中有雲三枚相連如浴豬猡三日大雨

淮南子曰黑蜺神蛇潛泉而居將雨則躍

萍鄉西津有玉女岡石間先湧五色雲謂之玉女披衣天即雨

董仲舒治國推陰陽祈雨則閉諸陽縱諸陰其止雨反是謂如閉南門內舉火及開北門水洒人之類

真宗咸平間知楊州魏羽士雩祀五龍祈雨法詔頒諸路其法以甲乙日擇東地作壇取土造青龍土器

之大小龍之脩短餘方皆如之凡旱建壇取五行生
成之數焉長吏齋三日詣龍所汲流水設香茗菓率
郡官日再至祝酬不用樂巫覡雨足送龍水云云
開元中大旱馮紹正於殿壁畫一素龍俄有白龍自
池中乘雲而起風雨大作

徐州城東有石潭與泗水通置虎頭潭中可致雲雨
東坡詩云何年射殺南山虎滿腹雷霆暗不吐

淮南子土龍致雨陽遭旱作土龍以象雲從龍

董仲舒曰旱則取五蝦蟇置之社中池方八尺深一
尺水蝦蟇焉春則池方七尺夏方五尺秋方九尺冬

則如春皆具酒脯陳告

神農求雨書甲乙不雨命爲青龍東方小童子舞之
丙丁不雨命爲赤龍南方壯者舞之戊己不雨命爲
黃龍中央壯者舞之庚辛不雨命爲白龍西方老人
舞之壬癸不雨命爲黑龍北方老人舞之如此不雨
潛處闔南門置水其外開北門取人骨埋之如此不
雨命巫祝曝之曝之不雨神山積薪擊鼓而焚之
神異經曰西海上有人焉乘白馬朱鬣白衣玄冠從
十二童子馳馬西海上如飛名曰河伯使者其所至
之國雨水滂沱也

羅浮山記曰山有龜淵淵有神龜龜鼻貫銅環若有
人穢此淵便卽澍雨

武昌記曰城西有石鼓山上有三石鼓鼓鳴天必雨
也